



Ein cyf/Our Ref: MA/HIDCC/5236/24

Paul Davies, AS
Pwyllgor yr Economi, Masnach a Materion Gwledig
Senedd Cymru
Bae Caerdydd
Caerdydd
CF99 1SN

22 Mai 2024

Annwyl Paul,

Hoffwn hysbysu'r Pwyllgor o'm bwriad i roi cydsyniad i'r Ysgrifennydd Gwladol dros yr Amgylchedd, Bwyd a Materion Gwledig wneud Rheoliadau Deddf Ifori (Ystyr "Ifori" a Diwygiadau Amrywiol) 2024.

Gwnaeth y cyn-Brif Weinidog Mark Drakeford AS yr ymrwymiad y byddai Llywodraeth Cymru yn ysgrifennu at y pwyllgorau perthnasol i'w hysbysu am fwriad i gydsynio i Lywodraeth y DU arfer pŵer deddfwriaethol dirprwyedig mewn maes datganoledig mewn perthynas â Chymru. Lle bo'n bosibl, dylid gwneud hyn cyn rhoi caniatâd i ganiatáu amser i'r Senedd fynegi barn. Ar yr achlysur hwn, oherwydd camgymeriad gweinyddol, ni fu'n bosibl darparu'r llythyr cyn cydsynio a chaniatáu yr amser hwnnw i'r Senedd..

Bydd y Rheoliadau yn cael eu gwneud drwy arfer y pwerau a roddir gan adrannau 2(5), 13, 37(2) a 39(1) o Ddeddf Ifori 2018 ("y Ddeddf"), a pharagraff 14(1) o Atodlen 1 iddi.

Diben y Rheoliadau yw diwygio'r Ddeddf, i estyn y gwaharddiad yn erbyn delio mewn ifori eliffantod i gynnwys ifori o'r rhywogaethau canlynol hefyd:

- hipopotamws cyffredin (hippopotamus amphibius);
- morfil danheddog (orcinus orca);
- morfil ungorn (monodon monoceros); a
- morfil pensgwar (physeter macrocephalus).

Mae'n cynnwys cyfnod gras 28 diwrnod i brynwyr, gwerthwyr a llogwyr sydd wedi ymrwymo i gontract nad yw eto wedi'i gwblhau ar yr adeg y daw'r rheoliadau i rym.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Huw.Irranca-Davies@llyw.cymru
Correspondence.Huw.Irranca-Davies@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth Gymraeg sy'n dod i law yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Mae'r Rheoliadau hefyd yn diwygio Atodlen 1 (Sefydliadau Penodedig) i Reoliadau Gwaharddiadau Ifori (Esemptiadau) (Proses a Gweithdrefn) 2022 i gywiro enwau rhai o'r sefydliadau a ragnodir o dan y Ddeddf. Mae Sefydliadau Penodedig yn rhoi cyngor i'r Ysgrifennydd Gwladol ar geisiadau am dystysgrifau esemptio.

Mae hefyd yn diwygio Rheoliadau Gwahardd Ifori (Sanctsiynau Sifil) 2022 i nodi y bydd y dull a dyddiad cyflwyno rhybuddion yn ymwneud a gorfodi yn dod drwy'r post yn ystod y broses ddsbarthu arferol neu'n electronig ar y diwrnod yr anfonir y cyfathrebiad electronig.

Hoffwn sicrhau'r Pwyllgor hwn mai polisi Llywodraeth Cymru fel arfer yw deddfu dros Gymru ar faterion o fewn cymhwysedd datganoledig. Fodd bynnag, mewn rhai amgylchiadau, mae manteision i gydweithio â Llywodraeth y DU pan fo sail resymegol glir dros wneud hynny. Bu'r DU yn defnyddio dull gweithredu unfurf o ran y polisi hwn ers blynnyddoedd lawer, ac mae aliniad parhaus i sicrhau dull cyson o ddiffinio ifori ("ivory"), a rheoli achosion gorfodi pan fo ifori yn cael ei fewnforio, yn hanfodol. Mae hyn yn adlewyrchu'r dull a ddefnyddir i alinio ar draws Prydain Fawr ar faterion ffiniau a masnach ac mae'n sicrhau cysondeb i fasnachwyr a swyddogion gorfodi drwy osgoi unrhyw wahaniaethau anfwriadol.

Mae'r Rheoliadau'n anfon neges glir nad ydym yn ystyried gweithgareddau masnachol sy'n cynnwys ifori a allai hybu potsio i fod yn dderbyniol. Er mwyn i'r gwaharddiad gael ei gyflwyno ar draws y DU ar yr un pryd, mae'n synhwyrol i Gymru gael ei chynnwys yn yr Offeryn Statudol hwn ar gyfer y DU.

Gosodwyd y Rheoliadau gerbron Senedd y DU ddoe, 21 Mai 2024, gan ddefnyddio'r weithdrefn gadarnhaol. Disgwylir y bydd y rhain yn dod i rym ar 1 Medi 2024. Rwyf wedi gosod Datganiad Ysgrifenedig i ddiweddarau'r Senedd, sydd ar gael [yma](#).

Rwyf wedi ysgrifennu hefyd at Gadeirydd y Pwyllgor Deddfwriaeth, Cyfiawnder a'r Cyfansoddiad.



Huw Irranca-Davies AS/MS

Ysgrifennydd y Cabinet dros Newid Hinsawdd a Materion Gwledig
Cabinet Secretary for Climate Change & Rural Affairs